

'Sëédhe =plɛ -naa 'ö

Piɛɛ

-ya bɔ -Zlan -bha mɛ
-nu -dhë bhë

'ö =nɛ

1 ¹Sëédhe =nɛ ma Simɔ Piɛɛ 'a Yesu Klito -bha bɔmɛ 'ka bhë =nɛ 'a- bɔ mɛ -nu 'ö kwa -bha -Zlan 'ö kwa Dhame Yesu Klito 'ka 'ö 'yaa mezëgüdhe kë -a -wun 'gü 'ö kwa -nu kwa -bha -zo -yö -a -bha -sü -wungbeezë bhë, 'ö- -ta 'dhö do bhë, ka -dhë. ²Kö -Zlan waa- kwa Dëme Yesu -an dɔ -sü 'gü, 'glusë 'ö 'wo- kë -na ka 'ka waa- =zuöyagluu 'ö 'wo- nu -na ka -dhë bhë -wo 'dho 'dhiö -kplawo.

'Ta -kɔ -së 'ö -Zlan -bha zian -ta -a -gɔgɔ -nu 'wo- -ta

³-A -bha 'piigbeedhe -ya kwa gbaa pë 'saadhö 'ö kwa -bha -tosiadhe -bha -wun -yö yö -a -bha -a 'ka kö 'kwaan- -kë -a 'gü -sü kë -klu -Zlan -bha -sü 'ka; 'ö -yaa- kë mɛ 'ö kwa -dhɔɔ -kë -a -de -bha 'tɔbhɔdhe waa- -a -bha këwun -së 'gü bhë 'kwa- dɔ. ⁴Yö -ga 'ö- -zo kun, 'ö 'tɔ -go mɛ -dhë -pë -nu -vava 'ö -an -wun 'dhö 'gbee-, 'ö -an nu kwa -dhë kö 'kaan- bɔ -an -ta 'kaan- 'kan -ya pë -dhɔ 'ka -sü yaya 'ö dho mɛ 'ka 'gü -siö' -dhe -bha 'kpongtaa zö bhë -a -bha. -Yö kë 'dhö kö 'kaan- bhɔ -a -bha. ⁵Pë -de 'ö -kë 'ka dho pë 'plɛ kë kö ka 'ta -kɔ -yö kë -së, ka -bha -zo yö -Zlan -bha -sü 'gü, 'ö 'ka dho -Zlan -bha 'wun -nu dɔ -sü -da ka 'ta -kɔ -së 'ö dho kë -a -ta 'ö bhë. ⁶-Ka -de -kun 'wun -nu 'gü -sü -da ka -bha 'wundɔdhe 'ö -Zlan -bha 'wun -nu 'gü bhë -an -ta; 'wun -kë -de -tian' -sü bhë, ka -dho -zuösaadhe -da -a -ta; ka -dho -klu -Zlan -bha -sü -da =zuösaadhe -ta 'pö. ⁷-Ya 'go mü, dhegluzë -nu -bha 'ko -sü -së -sü bhë, -kaa -da ka -bha -klu -Zlan -bha -sü bhë -a -ta. 'Ö -kaanta 'ka zlöö, 'ö ka -bha ka 'ko -sü -së -sü 'ö

bhë, 'ka dho -dho 'ö go -Zlan 'piö 'ö 'wo- -kë mē 'saadhö 'ka bhë -a -zuö -a -ta. ⁸Bhii -kɔ bhë -nē 'ö wɔ -kɔ -së -nu 'wo bhë 'ö =wa kaa ka 'gü =va 'ö ka 'ka 'dho kaa pë 'kpaan 'ka 'iin 'ö ka 'ka 'dhö -bo kwa Dëmē Yesu Klito dɔ -sü bhë -a 'gü. ⁹Këe mē 'ö wɔ -kɔ 'ö bhë 'yaa- 'gü, =ya -dhe -ga, -a 'yan -nu 'waa -dhe yö 'ma -gbiin -nē 'yënnngtiime 'dhö, bhii kö -a -zlöö =ya trö ziö 'ö -Zlan -ya wo -a -bha -sɔɔn yaa -nu -ta bhë -a 'ka.

¹⁰-Dhe -kë 'dhö, n dhegluzë -nu, -kaa 'slë =mëe'- kö 'ka dɔ genngdhö -klu -sü 'ka ka =dhɔɔ 'ö -Zlan -ya -kë 'ö ka -ya bhë -a 'wun 'gü; 'ö tɔɔ -a -kë 'dhö -sü 'ka =nē 'ö ka 'ka 'dho -püö 'wun yaa kë -sü 'gü. ¹¹-Kɔ bhë =nē 'ö -Zlan dho 'kwëe poë ka -gɔ 'gbëa 'ka kö 'kaan- -da kwa Dëmē, kwa Dhame Yesu Klito -bha -gludëdhe -pö 'ö 'tɔbhɔdhe 'dhoë- -bha =toëpö 'ka bhë -a 'gü.

¹²'Kö -kë -nē 'wun -nu 'wo =nē 'ka -an dɔ 'saadhö 'ö 'ka -ya -sü 'ka kpinngdhö 'wun gia- 'ö 'ka- ma bhë -a 'gü, a -dho n -zo kë ka -zo -büö -a 'ka -sü 'piö -kplawo. ¹³⁻¹⁴Bhii kwa Dëmē Yesu Klito =yaa- kë 'ma- dɔ =nē -a yi 'yaa =gbiin gbɔ kö 'aan- 'go bun 'ö =nē -a 'gü. =Dhe 'ö -kë 'dhö, kö 'töng 'ö n -gɔ kö a =tun ka 'piö 'kpongtaa zö bhë, a -dho ka -ya 'yaan -kplawo mē -zo -büö -wo -nu 'ka. ¹⁵-Wo -nu 'wo bhë, a -dho pë 'saadhö 'plë kë kö =ya kë =nē 'maa ka 'piö zö gbɔ, kö -waan -ya ka =zuö' -bha -kplawo.

'Wun 'ö -gban mē -nu 'wo Klito -bha 'bhü yö -an -bha

¹⁶Kwa Dëmē Yesu Klito -bha 'piigbeedhe waa- -a -bha nu -sü 'ö bhë, yaa kë =nē -wo -go -kwëzü -wun -nu 'ö mē -nu -wa yö 'ko 'dhiö -a 'gü 'ö 'yi ka =daan -a 'ka. -A -bha -kë 'gblüünzë -sü 'ö bhë yi- -yö yi 'yanga gia- 'ka. ¹⁷Bhii yi 'ö kwa Dë -Zlan -yö =bhlë waa- 'tɔbhɔdhe nu -a 'ka -a -dhë bhë, -yö -kë yi 'yaan, 'ö yi bhë -a 'ka 'ö -Zlan -bha 'bhü 'gblüünzë -yö =yɔɔ -a -ta 'ö -wo do -yö -we 'ö- pö: Mē 'ö =nē n Gbö -dhɔkaasüzë 'ö 'a n -zo 'kun -wun 'plesen -lo -a kwëe yö -mü. ¹⁸-Wo 'ö 'dhö bhë, yi- -ma 'dhö kö -yö 'we -na dhang- 'gü. -A yi bhë -a 'ka, yi -kë -tɔn 'slööslö tuö.

¹⁹-Ya kë 'dhö, 'wun 'ö -Zlan -wodhiölome -nu -wa =blëe bhë -yö 'dhö gia- 'ka. =Ya kë 'dhö kö -yö -së 'ka ka -zo 'to -an -dhë bhii -wo kë =nē =labang 'dhö -dhetiidhe 'gü, kwa =zuö' 'gü. 'Yö =ya kë 'ö =labang -nu 'wo bhë 'wo bhü 'dhö gbeng gbeng 'ö -toë 'pö 'ö -dhiadhio 'susongga ('ö Klito 'ka bhë) 'ö -wo -a 'ka 'ö -dhe =poë' ka =zuö' 'gü ('papadhö). ²⁰'Këe kë- wo 'dhö bhë, -yö kë ka 'yaan =nē 'wun 'ö -Zlan -ya =blëe 'ö bɔa ö -wodhiölome -nu -ta 'ö =bëen' -sü 'ka bhë, 'yaa pë 'ö mē -ya -gen pö ö -de =kwaa' -wun 'ka -a 'ka. ²¹Bhii -Zlan 'dhi -wo pö -sü 'ka- -ga -na bhë, mē 'bhee- -de =dhɔɔbhaa -wun 'yaa -mü 'këe -Zuu 'slööslö =nē 'ö yö mē 'bhee- -nu 'wo bhë -an -dhë 'dhiö 'ö 'wun 'ö -gban -Zlan -bha, 'ö 'wo- =blëe.

'Wun 'ö -gban mē =daan' -mē =suazë -nu -bha

(Zudë 4-13)

2 ¹Kë- wo 'dhiö bhë, -Zlan -wodhiölome =suazë -nu -wo -kë -dhö; -kɔ do bhë =nē 'ö mē =daan' -mē -nu =suazë 'dhoë- 'ka ka ziën. -Wo -dho

me -daan' -wo -suazë -nu 'ö dho kë me 'gü -siö' -wun -nu 'ka- yö 'ko 'dhiö kö -waan ka -daan'-. -Wo -dho -kɔ kwa Dëme 'ö -an dha bhë -a -wun 'ka 'ö 'wo wo -de -da 'güsiödhe 'ö nu -na me -nu -ta 'zodhö bhë -a 'gü. ²Me -plëëzë -wo -dho ziö -an -bha -tosiadhe 'ö 'wundɔdhe gbë 'yaa- 'gü bhë -a 'piö; 'ö -an kë -kɔ -wun 'gü 'ö me -nu -wo 'wun yaa -bleë' 'wun gia- -zian -bha. ³'Wëüga -wun 'gü, me -daan' -me -suazë -nu 'wo bhë -wo -dho ka -püö -an -de -yö 'ko 'dhiö -wun -nu 'ka. 'Këë kë- wo 'dhö bhë, za 'ö dho kan bhë, -an -bha -ya -lo -an tuö 'saadhö 'kpa -pë. -An 'güsiöme -ya -da zian-.

⁴Ka gia-, -ka -dhe -ga bhë 'dhe! -Zlan -bha bɔmë -nu 'ö 'wo -sɔɔn yaa -kë bhë, yaa -an kuënnu 'ö 'piö, 'këë -yö -an -zuö -dhetiidhe -bha -glu 'kpa 'dhi -va 'gü; 'ö 'wo dho to mü 'dhö kö -Zlan -bha zakanyi -yaan -lo -a 'ka. ⁵Me -nu 'wo -kë 'kpa bhë, -Zlan yaa -an 'to; 'këë -yö 'yi -va -pa 'kpongtaadhe -dhiizë -ta 'ö me 'plë -wo to -a 'gü -a 'ke yaa kë Noe 'ö -kë 'wun 'ö kpengdhö -a -bleë' -me 'ka waa- me 'slaple 'bhaa 'ö 'wo dha 'yi bhë -a -gɔ 'pö -an 'ka. ⁶-Zlan -yö Sodɔmë -pö waa- Gomɔɔ -pö -an 'gü -siö 'siö -kwa'. 'Wun -nu 'wo bhë -wo pë -nu 'wo dho kë këpëyaame -nu 'wo dho nu bhë -an 'ka bhë -an -bha 'wun -zuan' 'ka. ⁷⁻⁸'Këë yö -ga 'ö Lotö 'ö -kë me kpengdhö 'ka, 'ö- -zuö' -yö -da -wëë 'gü me -nu 'ö -kë -an ziën bhë -an wo -kɔ -nu 'ö- 'yan -yö -daa 'gü yi 'saadhö 'ka bhë -a -wun 'gü bhë, -ya -dha. ⁹Ka- yö bhë -a! 'Ya kë 'dhö kö me -nu 'wo -klu -sü 'ka -a -bha bhë -yö -an dha 'güdadhe -gɔ, 'ö me -nu 'ö 'waa kpengdhö bhë 'ö -an -ya 'klobhdhe -gɔ -Zlan -bha zakanyi 'ka. ¹⁰-Ii- 'këë me -nu 'ö dho -an 'klo bhɔ 'wo tɔɔ me -nu 'wo 'wun -nu kë -na me 'bhee- -de -zo 'kun -wun -bha -de -kë -dhiizë -sü 'ka 'ö -Zlan -bha -kë kwa Dëme 'ka -sü bhë 'ö 'yaa -an -dhë pë gbë 'ka bhë.

Me -nu 'wo bhë, -wo wo -de -sü -va 'ö 'wo wo -de -ga 'gianzë me -nu 'wo to -an -ta; 'suö pë 'tee -de 'yaa -an -zuö' -bha yö -ga 'ö 'piigbeedhe 'tɔbhɔsüzë -nu 'wo dhang- 'gü bhë 'ö 'waa -an -bhlë -ya bhë. ¹¹'Këë kö -Zlan -bha bɔmë -nu -de 'wo dhang- 'gü kwa Dëme 'dhiö 'ö 'wo -faanzë, 'wo 'piigbeezë 'wo -zië' me -daan' -me -suazë -nu 'wo bhë -an -ta 'waa 'wun yaa -bleë' -piigbeedhe 'tɔbhɔsüzë -nu 'wo bhë -an 'ka Dëme wö 'dhiö. ¹²'Këë me -nu 'wo bhë -wo 'wun -nu -kë wo -zuö' tii -bha -ne 'blü 'wü -nu 'wo -da kö -waan -dhaa -da -an bhɔëë -an 'dhö. Pë 'ö 'waa- dɔ bhë, -wa -kë 'yee -to -a -bha -wun 'ka. 'Këë -wo -dho to wo -de këwun bhë -a 'gü, 'ö -an 'gü -yö -siö -ne wü -nu 'wo bhë -an 'dhö. ¹³'Klobhdhe 'ö 'wo me -nu -da -a 'gü bhë -ne 'ö -an -saan' dho bhoë. -Wo wo -de -dhɔɔbhaapë -yö wo 'yi -kan -a -dhë pë -nu 'wo- kë -na -dhe 'po -yi 'ka bhë -a 'gü. Me -nu 'wo bhë -wa kë -dhiizë; -an -bha -kë ka 'piö -sü 'gü ka -bha -kɔ -da 'ko 'piö -sü -nu 'gü -sü 'ö bhë, -yö lë- -wun 'ka, 'ö ya; bhii -yö -an -zuö' -bha -waan wo -de kë kpengdhö ka wö 'dhiö -an -bha -kë ka 'piö -sü 'gü. ¹⁴Pë 'ö -ya -an 'yënnng -dhe pa 'ö tɔɔ -dadheüsü. -An 'gü 'yaa ga -sɔɔn yaa kë -sü 'ka; kö me 'wo 'tëëtë -zo yö -sü 'gü -wo -an -püö -na. -An -zuö' -yö -klu -sü 'ka 'slë 'wo dho -a kë -waan

'wëü- yö -a -bha; =wa kë zlöö -bha me -nu 'ö -Zlan -bha 'dhangga 'dhö -an -ta -an 'ka. ¹⁵Me 'wo bhë =wa 'go zian -së -ta, =wa wo -de -da 'blü Balaamö -bha zian -ta. Bozɔɔ gbö Balaamö 'ö bhë kë- wo 'kpa bhë, -yö -Zlan 'dhi -wo -pö; 'kɛɛ 'wëüga -dho -yö -kë -a kë =dhia giagiawo. 'Wun yaa =nɛ 'ö -kë 'ö =ya kë 'ö 'wëüga yö. ¹⁶Kɛɛ kë- wo 'dhö bhë, 'wun -yö -blɛɛ -a 'ka -a -bha -gɔügbëedhe bhë -a -wun 'gü; yö =ga tɔɔ yi do 'ka, =soofang mu do -yö 'wun -blɛɛ me 'bhee- -wo 'gü; -kɔ bhë =nɛ 'ö me bhë, 'ö -bha 'wun -nu kë -sü 'ö 'wun dɔ -sü 'yaa- 'gü bhë, 'ö =gbaannu -a 'ka.

¹⁷Me -nu 'wo bhë -an kë -kɔ -nu -wo -kë =nɛ -dhe 'ö dhoo -nu -wo dho -a -bha 'yi 'tɔɔ- =bhaa 'ö 'wo- ye -a -bha wo -kɔ 'flëë 'ka -a 'dhö, 'iin =nɛ -dhe 'ö dha kpö -nu -wo nu -a -bha dhang- 'gü -a 'dhö; 'ö -dhe 'ö me -nu 'dhö -kpe kë -na, 'ö 'tëë -nu -wo nu 'wo -ziö -an 'ka -a 'dhö. Pë 'ö -Zlan -ya -ya -an -gɔ 'ö tɔɔ -dhetiidhe 'ö -trö 'sënsëndhö. ¹⁸=Wa 'wun -nu =blɛɛ', -a -gen 'yaa kë -dhö 'ö 'wo- =blɛɛ -de -sü =va 'ka; 'ö me 'bhee- =dhoɔbhaa -wun -nu =lɔɔzë 'ö 'wundɔdhe -së 'yaa- 'gü bhë 'ö me 'wo 'go -na dha =dhia me -nu 'wo -tosiadhe kë -na 'wun =zaa' -sü 'gü -an ziën bhë, 'wo- -da -a =zuö' -bha kö -wo -an -piü. ¹⁹-Wo -potaasü 'tɔ go me -nu -dhë 'kɛɛ kö wo gia-, wɔ -kɔ yaa -nu 'wo dho me 'ka 'gü =siö' -dhe 'gü bhë, -wo -an -gɔ =nuadhë 'gü. -A pö 'a- wo 'dhö bhë, 'ö tɔɔ me 'ö -dhö, pë =ya kë -dhö -yaan kë 'gbee- -a -ta, kö -ya -gɔ =nuadhë 'gü. ²⁰Bhii 'ö tɔɔ =ya kë =nɛ me 'bhee- -nu =wa bhɔ =taa' -dhiipë -nu 'wo 'kpongtaa zö -an -dhë, kwa Dëme, Medhame Yesu Klito dɔ -sü -wun 'gü, 'go mü =wa 'ye wo 'zü =wa 'dho 'kpongtaa -dhiipë -nu 'gü, kö -an kë -kɔ 'ö zlöö bhë =ya ziö =gɔü' -a me 'ö -kë 'dhiö bhë -a -ta. ²¹-Yö 'gian -an -bha 'ka -bezë kö -kun 'ö 'wo zian kpengdhö dɔ 'ö =zië' zian dɔ -sü, 'ö 'wo 'go -na tɔng 'slööslö 'wo- =daan bhë -go -a -ta -sü -ta. ²²-Piën bɔ -wo dɔ -ya -pö: Gben- -yö 'ye 'ö 'zü 'ö 'dho 'ö -pe =taa. 'Yö- pö 'zü: -Bhɔ tii 'ö =ya 'zlu 'saadhö bhë, =ya 'dho -dëüwo 'zü =glöng 'glö -dhia böü- 'gü. (Me -nu 'wo bhë, pë 'ö -kë -an 'ka bhë, -ya -zɔn =nɛ -piën 'ö bhë 'wun gia- -mü.)

Pë 'tɔ go -wo 'ö -gban Klito -bha nu -sü -bha

3 ¹N dhegluzë -nu, ka- -yö bhë =a! Ma 'sëédhe kë =ple -naa 'yaa -mü 'ö =nɛ =a; pë -nu 'a- -ya -an 'gü 'wo tɔɔ kö me =daan' -wo 'a ka -zo -büö -na -a 'ka -kplawo bhë -wa kë kö ka =zuö' 'piö -wun -nu -wo kë 'kpëdhö, ²-yö kë 'dhö kö ka -zo -yaan -büö 'wun 'ö -Zlan -wodhiölome -nu 'slööslö -wa =blɛɛ 'kpa bhë waa- kwa Dëme 'ö Medhame 'ka bhë -a -bha tɔng dɔ -wo -nu 'ö- -bha bɔme -nu -wo ka -daan -a 'ka bhë -an 'ka. ³Kɛɛ -yö kë ka 'yaan -blɛɛzë 'ka =nɛ yi -kaanta -nu 'ka, 'yee -to me -bha -mɛ -nu -wo -dho kë -dhö; -wo -dho wo -de -dhi -a -dhë -wun -nu kë 'ta 'sü -sü 'ka -ya pë -dho 'ka -sü 'ka. ⁴-Wo -dho 'yee to ka -bha -a pö -sü 'ka =nɛ: «Kë- wo =nɛ Yesu yaa- pö 'ö -dho ye 'ö 'zü 'ö nu =a? 'Yaa 'dhö a? -Yö 'më 'sa 'ö -dhe -kë 'dhö =nɛ 'ö me -nu 'ö -wo bhë 'ö -we -an -dhë 'ö 'waa -dhö gbɔ, 'ö 'kpongtaadhë 'dhö =tun =nɛ -kɔ do 'ö =kaa' -a züdüyi 'ka -a 'dhö =nɛ =ɛ?» ⁵Kɛɛ kë- wo 'dhö bhë, -an -zlö =ya trö 'saadhö =nɛ 'kpa bhë, =dhe

ö -Zlan -yö -we, 'ö dhang- -nu -wo -kë, 'ö 'yi -nu -wo dho wo 'kuë- 'pian do 'ka -dhe -nu 'gü, 'ö 'se -yö -kë -dhö bhë, ⁶'kpongtaadhe zii 'gü -yö -siö -ko do bhë -a 'ka 'yi -va 'ö- pa bhë -a -kwaal. ⁷-Ko do bhë -a 'ka 'ö do 'kwa- wo -dæe -ne 'ö 'kpongtaadhe waa- dhang- -nu 'dhö -ya -sü 'ka -a 'ka kö -an 'gü -yaan -siö' 'siö -kwaal -Zlan -wo do bhë -a 'ka. -Yö -dho kë 'dhö yi 'ö za dho dja -kian' yaa -me -nu -bha kö -an 'gü -yaan -siö' bhë -a 'ka.

⁸'Këe n dhegluzë -nu, pë 'ö ka 'ka 'dho kun -a -wun do -sü 'ka 'ö tɔɔ kwa Dëme -bha 'ka, -dhekpaɔyi do -yö -ne -kwe -vuu do 'dhö, 'ö -kwe -vuu do 'dhö -ne -dhekpaɔyi do 'dhö. ⁹'Wun ('ö -gban kwa Dëme -bha nu -sü -bha) 'ö- 'tɔ go bhë, yaa kë -ne -a yi -blü 'ö- wo 'dhiö -ne -ko 'ö- 'ka me 'bhaa -nu -zuö' 'gü bhë -a 'dhö; 'këe kë- wo =zian' =zuösaadhe 'gü kwa buëndhö, bhii 'ö tɔɔ 'yaa- 'piö kö me gbe 'gü -yö -siö'; -ya -kë 'dhö -zian' kö me 'ple -waan 'go wo -bha =sɔɔn yaa 'gü, kö -waan =dhië'- -a 'piö.

¹⁰Kwa Dëme -dho nu -ne -kwaanme -yö nu me tii 'ka. -A yi bhë -a 'ka, dhang- -nu -wo -dho ziö 'wo dho; wo 'ka 'dho kë -dhö gbɔ. 'Këe -an 'dho -zuö -yö -dho kë -ziizë. -A yi bhë -a 'ka, pë -nu 'wo dhang- -nu 'gü, -an 'gü -dho -siö' 'siö -kwaal; 'se waa- 'ö -ta -pë -nu 'ple, -an -bha -këdhösü 'dhiö -dho toë yi bhë -a 'ka. ¹¹Ka- -yö bhë =a! Kwa gia- -yö kwa 'yaan 'ka -wun 'ka -ne pë 'ple 'gü -dho -siö' -ne -ko bhë -a 'dhö. =Ya kë 'dhö kö 'ta -ko 'ö 'ka dho taa 'yaa ka 'yaan a? Yö -ne 'ö tɔɔ -tosiadhe 'ö kpengdhö 'ö 'wo- -kë -klu -Zlan -bha -sü 'gü, ¹²-ya -a -gɔ -sü 'ka, 'iin kö 'kwaan- kë kö -yaan nu 'zodhö kwa këpë -nu 'gü. Yi bhë -ne 'ö dhang- -nu 'gü dho -siö' 'siö -kwaal' -a 'ka, 'ö pë -nu 'wo dhang- 'gü 'ö 'wo dho kpö 'siö bhë -a ne- -bha. ¹³'Ö bhii pë 'kwa -ya -a -gɔ 'ö tɔɔ dhang- -nu -dëü waa- 'se -dëü 'ö -kë kpengdhö -sü 'dhö -a -ta 'ö -Zlan -ya 'tɔ go bhë.

¹⁴'Wun bhë -a -wun 'gü, n dhegluzë -nu, -dhe 'ö -kë -ne kwa -ya pë -nu 'wo 'dhö bhë -an -gɔ, -ka do 'gbee- kö -waan ka yö me 'ö -dhii 'yaa -an -bha, 'ö =zuöyagluu 'dhö -an -gɔ -Zlan wö 'dhiö -an 'ka. ¹⁵Kwa Dëme -bha -zuösaadhe bhë -yö kë ka -gɔ -ne 'töng 'ö -tun ka -gɔ kö 'kaan- ka -de -baa' -dhasü 'gbloo 'piö -a 'dhö -ne -ko 'ö -Zlan -bha 'kpaakpadhe 'gü 'ö Pölö, kwa dheglu -dhɔkaasüzë -ya -bëen -a 'ka 'ö- bɔa ka -dhë bhë -a 'dhö. ¹⁶'Wun bhë -ne 'ö 'wun -gban -a -bha 'ö- -ya 'ö -bha 'sëédhe 'ple 'ö- bɔ -na ka -dhë bhë -a 'gü. Yö -ga -dhe -kë -ne -a -bha 'sëédhe -wo 'bhaa -nu -gen ma -sü -yö 'gbee- bhë, 'ö me -nu 'ö 'waa 'wun -gen do 'ö -do genngdhö -sü 'yaa -an -gɔ -zo yö -sü 'gü bhë, 'wo- -gen bho 'gbloo 'gü -ne -ko 'wo- kë -na -a 'ka -Zlan -bha 'sëédhe -bëen' -wo 'bhaa -nu 'gü bhë -a 'dhö bhë. 'Këe kë- wo 'dhö bhë, wo -de -da 'wo- wo -na 'gü -siö' -zian -ta bhë.

¹⁷'Këe ka -zë, n dhegluzë -nu, ka 'paan -ya bho 'saadhö -ne bhë; -ka do ka -de 'slë 'ka kö =kun 'ö 'ka dho ka -kwaal' ka -de -zü 'ö këpëyaame -nu -bha 'wun -kun 'kuë -sü bhë 'ka ka -de to -a 'gü 'ö pë me 'ö -ya -ya ka 'gü bhë 'ö dha ka -gɔ. ¹⁸-Ka 'dho 'dhiö =zian' kwa Dëme, kwa Dhame Yesu Klito -bha 'glusë waa- -a -bha 'wun -gen do -sü 'gü. Kö 'tɔbhɔdhe -yö kë -a -bha 'ka -dæe, =toëpö 'ka! Amen.